

湖南兩子倡義錄  
人



RARE  
BOOK

SA  
4.11  
v. 3



湖南丙子倡義錄卷之三

列邑諸公事實

王果

梁山益字汝瞻號退隱南原人判書超九世孫直提學  
恰八世孫判官時遇子萬曆癸巳生天姿峻潔地  
步卓越孝友根天勇力絕倫醇厚有大度負一道重  
望丙子雲巖李公興淳宰本縣當虜亂鳩邑兵將欲  
勤王邀公問計公條陳軍師難進之勢鼓動一道  
之策李公大其言任公本縣都有司使之召募兵粟  
剋期赴礪山義兵元帥鄭公弘溟見公之忠義奮發



號令明肅喜曰賊雖千萬吾可無憂公擔當兵務爲  
前隊馳到清州士氣日倍皆願一戰忽聞下城之報  
痛哭罷兵歸隱雲山東漁隱洞永矢不出終身不向  
北坐每當兵罷之日則默坐流涕通宵不寐賦詩見  
志以寓風泉之思後建祠于玉果雲峙

許通字明遠號竹軒泰仁人持平斯文七世孫松隱纘  
孫都事之立子萬曆己丑生乙卯司馬師事鄭畸  
菴弘溟薦爲北部祭奉不拜後除章陵叅奉思切  
養親浩然棄歸都下士皆稱孝子畸菴贈別詩曰黃  
冠返壑思投紱彩服趨庭倚慰問甲子適變募兵糧



送沁都瀝血封疏 批曰爾意嘉爾逮夫丙子本倅

李公與淳與弟起淳及同志三賢傳檄倡義以公爲  
慕義有司糾聚赴難路聞燁成痛哭還鄉每當兵罷  
日輒振纓長吁杜門講學俞相國彥鎬銘其墓

許廷亮字子善泰仁人持平斯文后定 社功臣之熙

子 萬曆辛卯生自幼篤孝七歲遭丁酉亂父爲賊  
所虜將欲害之公冒刃翼蔽願以身代賊義而不害  
事 聞旋聞及富丙子亂乃口募義旅與妹婿梁山益  
及同志諸公應王賢檄赴難聞講和歸隱鶴峯下自  
號慕齋韜晦以終世稱忠孝雙全



金弘緒字緒甫慶州人樹隱冲漢后府使有潤六世孫  
生員克修子稟性剛明孝友篤學晚以悅親一舉中  
司馬當丙子亂即赴縣衙見本倅李公興淳拔涕論  
起義協力募聚北首直赴一鄉義士從者甚衆未及  
南漢聞講和罷歸謝世講磨林泉自號松石亭

鄭雲鵬字博仲號北溟草溪人麗朝光儒侯倍傑后掌  
令寅孫 萬曆乙卯生乙亥中司馬文章筆法俱名  
於世建丙子亂見五賢檄與鄉隣諸友夙夜赴難遽  
聞構成痛哭而歸等亭合江上琴酒自適賦詩云有  
客臨風氣不平寒雲秋色晚層城青虬吼匣霜鋌露



細想陰山雪後程丁巳終于家

沈敏謙字士允號杜庵青松人定安公德符八世孫

端宗名臣忘世亭璿五世孫事親至孝壬辰亂倡義  
從權元師慄進中水原運糧不絕丁酉亂遇敵力戰  
戊戌曳橋之役助兵食事 開除主簿甲子墨縷起  
義募兵勤 壬丁卯扈從 東宮丙子聚義粟轉輸  
江都享玉果龜巖羅州忠莊祠

沈民覺字叔先號觀箴壬辰倡義主簿敏謙從姪甲子  
率義兵及家僮百餘與雲峯縣監黃一皓扈 駕公  
州 上虞賞 除清安縣監丙子舉義保障湖西



及其講和上疏斥和後 朝廷嘉其忠勲義烈除永  
柔縣令辭遞遺命勿用丙子後官職享玉果龜巖祠

### 昌平

南慙字仲深號聽竹宜寧人直提學慶后參奉景哲子

萬曆乙亥生慷慨有志節早中司馬官主簿當昏

朝歛跡湖山丙子亂以本邑都有司收鄉兵數百馳

赴滑州聞和成痛哭賦詩曰漢南郭外腥塵蕪 萬

曆山河此日殊時向北風悲淚灑羞者穢德街中區

曹璩字子長號登山昌平人數竹弘立子 萬曆丁

亥生壬子進士 崇禎戊辰文科官成均博士甲子迨



變與進士李仲譚縣監曹漢賓諸公倡義起兵且聚  
糧械馳章列邑諭以糾合同志奮力赴難之意旋聞  
賊滅之報乃止丙子亂見五賢檄赴難聞和成齋根  
歸歿即丁丑三月也數竹公痛悼有義魂何在望歸  
來之句

柳東紀字善卿文化人典翰石軒汝玄孫奉事冥子丁  
卯進士丙子亂五賢傳檄以公爲本縣都有司公時  
在京公之子通判倪時年二十三率家丁數十到清  
州聞講和罷兵覲公於京公以忠孝與家子稱之倪  
字鑿甫癸巳文科歷兵禮佐郎通判清白自持



玄績字公懋號瞻翁星州人星山君德秀後丁卯司馬  
丙子亂挺身收兵赴難聞和成罷歸杜門以終

李重謙字德容號鏡塘水原人主簿光弼孫戊午司馬  
丙子亂舉義至滑州聞媾成罷歸鄉里杜門講學

安處恭字敬夫號西湖竹山人叅奉軸玄孫丙午司馬  
丙子募兵赴難聞講和而歸不永聞達逍遙山水

南以寧字幼安號龜巖官寧人掌令廷緒玄孫將仕郎  
恪子甲子變爲募義有司丙子亂募兵至滑州聞  
和成罷歸嘯咏自娛以進士壽秩同中樞

吳以斗字建百內翰希道長子早負重望癸酉生員丙



子亂與曹博士遂募兵數百收糧八十石赴難至信  
州聞和成痛哭而返隱居行義齋志以終

林得悅字載世號竹西平澤人壬辰殉節牧使檣子丁  
卯登庭試壯元拜獻納出守茂長康津有清白碑刊  
子從內舅鄭階庵幕戮力赴難聞憐成罷歸

曹溥字道淵號三清堂昌寧人直提學由道七代孫松  
庵德立子萬曆癸巳生性虔純正才質穎悟五歲

拾栗不自喫而歸獻父母聞者奇之既長有向道之  
心受學于沙溪金先生及辭歸慎齋云吾道南宮母  
病求藥暮還有虎引路父有風疾晨夕湯劑十年如



一曰林掌令得悅補其能盡子職丙子亂 大駕幸

南漢 教書白圍中出來公率家僮數十急赴完山

道伯李時昉出城迎勞飲助兵糧馳到漢江聞和議  
已定痛哭而還命長男爾植繼上斥和疏而未果又  
以丙子大統曆授二男爾彬曰方今正朔失統獨此  
書有存羊之義爾其善守己卯生員安處恭等以公  
忠義呈于本道按使啓 聞庚辰 命旌己丑聞

仁廟禮陟止望痛哭有詩曰年來韻嶰吐巖雲豹隱  
南山不願文微惆猶深憂杞國誰人調護輔新君至  
日詩云寒極閔初復方看地氣南定知燕狼滅向止



祝乎三疇庵鄭公贈詩曰君能任忠孝我獨愛清狂  
偶爾開樽酒萬事好相忘 孝宗辛卯 除齊陵叅  
奉內申卒

郭聖龜字文徵號玄洲又號樗軒海美人正毅公鏡后  
弘文博士寒碧堂期壽孫直長致堯子 萬曆丙午  
生孝友純至文章夙著甲子生員辛未文科丙子以  
說書遽歸聞南漢被圍馳進礪山時體察使從事官  
金公光赫以軍糧爲憂公曰南方稍完兵粟可聚遂  
移書列邑激以忠義募兵千餘收穀三千斛金公以  
此啓 聞上褒獎之後拜獻納弼善除光州牧



光州

柳珪字和甫號松菴瑞山人集賢提學文靖公伯濡七  
世孫都承旨雪江泗孫甲子中司馬迺變募義赴  
難丁卯虜亂扈東宮於全州丙子聞變投袂而起  
五贊任公以都有司本州人推以爲將借古將軍鐵  
衣長鈞佩服而率子明翊馳進滑州聞下城痛哭還  
鄉銘意世事華室山阿賦詩見志享景烈祠

申暉字士混號靜友堂高靈人歸來亭末舟五世孫壬  
辰殉節教官應河子除別提不就丁卯亂以都有  
司赴難扈謁駕丙子亂聚兵赴敵聞和成罷歸



鄭敏光字景達號默齋瑞山人義烈公仁卿九世孫校理希廉孫東溪隲子壬辰亂與縣監李恠扈駕錄

扈聖功仁廟朝除比安縣監甲子變送子之

白扈駕公州丁卯亂扈送東宮于隲山兩子亂

沫血奮戈進至清州州和成罷歸杜門賦詩見志

李德養字仲潤號梅軒全州人全城君藪玄孫校尉洛

子丁卯司馬甲子變丁卯亂俱舉義丙子亂募兵糧

至清州開辦成飲恨還鄉杜門以終

高傳立字君誨長興人忠烈公睿峯敬命孫孝烈公從

尊長子萬曆丁亥孝烈公以復讎將守晉州及城



陌赴南江而死公以遺骸未收爲至痛常着蔽閔子  
居側陋室能文章不赴舉世稱南州高士丁卯虜亂  
沙溪金先生以號召使募義旅公與鄉隣同志糾聚  
赴全州亂平祗送東宮于礪山而還薦除慶基  
殿叅奉不就丙子虜又再創以舉義都有司收募兵  
糧赴難至清州聞講成罷歸益輯晦丁丑終

高傳敏字務叔號灘陰長興人己卯賢佐郎

贈禮叅

霞川雲玄孫中廟朝疏斥權奸生員松雪亭仲英

曾孫壬辰倡義郡守贈禮議竹村成厚子幼而殤

異及長遊姜畦隱沅門文藝行誼爲世所推丁卯虜



亂與三從叅奉傳立從弟傳弼及同志聚兵糧至  
完山開和成扈 東宮至礪山而還丙子虜又渝盟  
哀教徵兵公聞 命悲憤募兵糧至滑州開南漢  
下城痛哭而歸杜門屏跡終老林泉

朴琮字子美竹山人文貞公元貞六世孫修撰嶧孫寺  
正應鉉子早遊以溪金先生門研窮經義雅尚氣節  
乙卯司馬昏朝廢科白端有詩曰南山有逸老回首  
笑公侯丁卯亂與一鄉同志倡義募兵赴全州聞譁  
和昌送 東宮於礪山丙子亂應五贊徵與諸義士  
赴難至清州聞和成痛哭而歸自礪丹邱子



朴忠廉字孝源號鏡巖咸陽人輔從以竟玄孫庚戌司  
馬以鄭瞻庵薦授叅奉甲子适變募義賊平扈  
東宮丙子亂募兵粟赴難聞譟成罷歸杜門以終  
朴忠凝字秀夫號石村順天人叅議彥誠子天啓丁  
卯進士兩試性至孝濟以文雅丙子亂倡義募兵會  
于礪山到滑州聞江都失守和議已成北向痛哭而  
歸絕意舉業專心性理之學享真泉祠

朴昌禹字拜言號七拙齋順天人文肅公錫命後縣監  
義孫玄孫萬曆戊戌生孝友氣節爲世所推天  
啓甲子司馬丙子冬南溪被圍見五賢檄與一鄉同



志倡義旅至清州圍和成罷歸杜門斂跡以忍痛含  
憤四字書諸壁以上以見志自作七拙記畧曰翁之以  
拙自號蓋有心焉困敦之危言之殞心涸澌之事思  
之流涕文明大地淪於腥塵而匪風下泉之詩時自  
謾吟而已醉歌出師之表只自冥想而已春秋之書  
誦讀無地云云享真泉祠

李鼎泰字公寶號野隱永川人直提學安直八世孫副  
提學宗儉七世孫少遊鄞崎庵弘溟門崎庵甚器重  
之妻以兄子授以皇賜琅玕硯以寓傳鉢之意丁  
卯亂沙溪金先生爲兩湖號召使以公爲慕義有司



扈 鶴駕于全州秋中司馬兩試筵仕別提丙子亂  
聞 上在園中不勝憤激見五賢檄益激勵與諸公  
協心糾旅進至滑州聞和成痛哭而歸絕意世芬杜  
門以終有遺集事載輿誌及尊攘錄 英廟甲午  
贈司僕寺正享大峙祠

李鼎新字夢之號默應永川人野隱詩泰從弟早以文  
章氣節補光海丁巳中司馬時國有內亂若將免焉  
不應榜而歸無意當世因廢舉業甲子變以募義有  
司舉義賊平乃止丙子亂見南漢徵兵之 教憤勵  
不已且見五賢檄募兵糧至礪山與省內諸義士齊



到滑州聞和成痛哭而歸益輜輶不出在菴宋先生  
累薦竟不起以終享大峙祠

朴晉彬字文益號抱虛子又號禿翁竹山人吏判文正  
公元貞八世孫直長璟孫天性穎悟三歲能知文字  
直長公嘗指飛鴻曰彼以何物對曰如十字形聞者  
奇之及長文學日進孝友純至丙子亂南漢園惡公  
聞甚激勵見五賢檄投袂而起赴難至滑州聞下城  
與諸公痛哭而還自靖以歿

奇義獻字士直號葉隱幸州人大司憲處六世孫己卯  
贊勿齋進曾孫司果贈參議孝芬子天姿樂易喜



怒不形不屑舉業專事理學丁卯亂以都有司馳赴  
全州扈 東宮內子冬聞亂憤慨且召且募馳進清  
州聞憐成痛哭還鄉韜光鏤跡終于家

朴思遠字仲允忠州人文簡公訥齋祥五世孫刑曹佐  
郎希壽曾孫內子與曹晉江守誠倡義赴難至清州  
忽聞和成痛哭而歸迢迢林泉時人以處士稱

尹頰字瑩中號玄洲咸安人咸安府院君 贈領議政

起猷五世孫禮賓寺副正世貞子 萬曆庚寅生官

司果公早著德望不朞祿仕沙溪金先生以廊廟器  
補之丁卯亂金先生爲兩湖號召使辟公爲文書有



司公糾合義旅至全州聞讎成邑送春宮而還隱

居瑞石山南以山水自娛甲戌卒

此改丁卯事而乃丙子變之權輿故

附于此

### 南平

崔身獻字士必號懶齋江華人平章事護后正字命順

孫監察星望子仁廟甲子文科官佐郎未幾適變

扈駕公州丁卯亂沙溪金先生舉公召募丙子亂

與同志應檄而起監司李公時昉推公爲副從事進

軍至滑州聞講和與諸公痛哭罷歸觴咏自遣

徐晉明字聖求號龍城利川人贈吏判孝堂六世孫



器宇嶷然早中司馬丙子兒五賢檄奮袂而起與諸公赴難聞講和罷歸絕意世事經學自任

徐符字而澤號龍岳利川人縣監祥玄孫以行誼除叅奉丙子亂見五賢檄奮勵傾財與曹公清江同赴礪山至清州聞講和罷歸婆婆林泉以終

尹儉字子郁號藍川坡平人吏議鈴川府院君堪六世孫司藝直長廷勲子生有異質丙子亂見檄憤慨赴難聞和成奮筆作詩曰未從東海死忍戴北胡天捲甲南歸路相看雪涕建還鄉不出以養親爲職

洪南甲字斗元豐山人舍人洪崖侃後僉正民聖子壬



子司馬見倫紀曰乖抗章未徹癸亥改王浚齋郎  
不就丙子僉正公聞亂欲赴公泣曰與其親老父殉  
身曷若以子代命遂仗劔勤王至清州聞和威罷  
歸經籍自娛碧亭其號也

鄭燦字君平號孝友堂晉州人向北堂遵一曾孫草心  
堂現孫丙子亂大駕入南漢下哀教公飲泣奉  
讀與徐苻尹倣梁禹甸同倡義旅至礪山岡下城痛  
哭還鄉絕意世事至誠養親人稱其居曰孝友村贊  
曰忠臣之出孝子之門一讀一涕哀痛王言乃倡  
同志乃舉義幡痛彼要盟偃我戎軒惟其志烈焉計



功存清芬永世俾也可護

尹倣字太初號養真齋坡平人忠義衛長勲子風韻  
德量爲世所推丙子與從兄儉募兵粟糾合同志  
馳赴清州聞講和相向痛哭而歸

金成俊字英叔光州人文肅公周鼎后丙子亂與同里金  
士立兄弟扈 駕南漢承銀鞭手甲之 賜丁丑登

扈從科 除訓練奉事

金士立字由賢號公巖固城人 贈參議世應孫壬辰  
殉節公侃在丙子亂與弟禮立直赴南漢門閉不得  
入適見巡城隊將以鐵索投外遂與其弟及金成俊



拚索登城仍承銀鞭手甲之賜丁丑登扈從科  
金禮立字子敬號松溪士立第二子兄弟赴南漢城門  
已閉公大呼守城將蒯隊將適巡城投鐵索於外遂  
與其兄及金成俊拚索登城承銀鞭手甲之賜丁  
丑登扈從科

綾州

梁梯客字汝恭號七松濟州人已卯名賢校理  
參學圃彭孫曾孫禮賓寺奉事山旭子志節高尚丙  
子亂再從弟翰林曼客與李玉果與淳諸公  
義任公崇義公即日奮勵與一鄉同志聚兵三



聞和成痛恨罷歸竟以是年終聞者悲其苦節

朱曄字晦之號孤松綾州人弘文正字典得后直長道  
南子癸酉生員丙子遊太學是冬北虜之變歸觀占  
長公曰吾當老死汝雖獨子死得其所吾復何恨公  
以父命慕義至滑州聞和成痛哭而歸

文仁克字榮叔號巖溪南平人三憂堂忠宣公益漸十

一世孫靖陵參奉士元曾孫萬曆戊子生稟性

英異志節慷慨常以忠孝爲己任訓誨爲榮事外內  
喪皆廬墓墓前當膝處士穿草不生或自外乘夕歸  
廬先火前導時補父孝子屢入鄉薦當丙子亂見五



賢激擊劒奮然而起曰是吾志也召募同志與和順  
曹清江守誠同赴礪山至清州聞講和痛哭而歸無  
意出世搆草庵於白巖清溪之上逍遙以終

梁禹甸字子擊濟州人校理學圃彭孫五世孫叅奉渭  
南子 仁廟癸亥司馬甲子丁卯俱陪父舉義丙子  
與曹清江守誠收募兵糧會礪山與三從祖據梧公  
及諸賢同赴清州聞講和痛哭還鄉隱居以終

魏弘源字子潤號聽溪懷州人縣監天佑子天性至孝  
文藝鳴世丙子亂應五賢激馳至清州聞講和作  
詩曰 主辱臣死宜時違我可已痛哭而歸



文悌克字于恭號花溪又號海隱南平人歲溪仁克從  
弟誠孝純篤行儉謹實受業安隱峯門內子亂從安  
隱峯舉義道聞講和痛哭賦歸築室海望山中避晦  
而終

閔彭齡字元老號月波驪興人承旨嗣宗曾孫 贈執

義汝寬子生有美質學問著世自少慷慨有志節丙  
子聞南漢被圍北望雲涕奮激忠義與其妻祖安牛  
山邦俊及其祖母曹氏之弟恭奉守誠合謀糾義剋  
日赴難進至滑州聞講和痛哭而歸自後絕意進取  
跡跡林泉 贈童蒙教官



和順

曹守誠字孝伯號清江昌寧人恭僖公兵判至川君恰  
六世孫鴻山宰閩中子 隆慶庚午生姿稟灑落踐  
履篤實丁酉亂陪母夫人入海遇颶舟幾覆號天風  
止人相孝感丙午生員自己卯後小學爲世所諱公  
惟信篤未嘗釋手自稱小學童子及光海數倫抗疏  
諸賢相繼竄逐朝野震懼適見鄉徒凶疏會之通文  
毅然憤怒裂其文杖其使聞者莫不聳懼逮夫 仁  
廟丙子閭難激烈與從姪進士焜及鄉人崔鳴海林  
時泰兄弟柳樹設義廳傳檄隣邑募兵糧器械剋



期赴難時首倡五賢傳檄以公爲本縣都有司公曰吾  
已倡此舉而此檄又至何不謀而同也遂領兵到礪  
山與諸義將合勢至滑州聞虜游騎逼在山谷間軍  
情洩洶李公起淳梁公受客往覘之公與從姪焜率  
勁卒五十踶其後見李公被圍卽與梁公奮擊斬九  
級獲其兵器而還諸公設勝樂相賀公笑曰師出二  
十日得此九級何損於賊何益於國家更進兵五  
十里遽聞和成痛哭罷歸韜光鏃跡宅邊有小江道  
遙喟咏以寓風泉之思有詩曰東海未投足南湖護  
濯纓安將出江水洗得天下清完南李公厚源掌銓



薦公除獻陵叅奉不就閔老峯鼎重繻衣時以讀  
書守靜啓子朝屢有臺閣之薦鄭東里世規屢  
貽書勸起終不應後洪北汀處亮宰光州聞公歿操  
文來哭曰尊周之炳義出處之大節可比陶靖節謝  
疊山云享年七十五配享櫟亭恭僞公祠宇

曹煥字晦而號九峯昌寧人郡守景中孫通德郎守訓  
子萬曆庚子生賦性仁孝稟質寬洪甲子司馬文  
章行誼爲世推服不復舉業專心性理金慎齋一兄  
稱篤學君子當仁廟丙子聞變憤惋與從叔清  
江公設義廳於本縣馳檄鄰邑且諭一鄉出家僮僕



家財措辦軍需晝則點軍夜則讀兵地主柳瑩不勝  
欽歎助以軍丁三十名軍糧二十石及弓箭槍干之  
物遠近響應附者甚衆時五賢義檄以公及清江公林  
時泰崔鳴海付募義有司公即署名與五賢約會兵  
之期馳赴礪山與諸義將合兵到清州賊之游騎多  
在山谷間恐有埋伏諸將不得進公與清江公言于  
諸將曰兵以義名畏死還邇不可使聞於他將當從  
間道直抵南漢諸將從其計俄而李公起淳與賊虛  
實爲賊所圍公與清江公及掾梧梁公奮力衝陣斬  
賊九級更進五十里開下城之報叔姪與諸將相向



痛哭罷兵歸鄉隱居九峯山下咏燕京白金菊曰托  
根盆斛殿春榮避地宜看草木情海內烟霞非故國  
爲憐名帶舊燕京尋常吟咏以寓風泉之思 仁廟

戊寅秋

朝家初設亂後科和順爲試邑吳正字添

慶要與入場公辭不赴蓋韜晦息交乎白江散輿判  
銓時入齋郎望閤老峯鼎重繡衣時薦 除繕工監

役不就鄭東里世規蔡員外振後累書勸起亦不應

嘗手抄真西山大學衍義及資治通鑑綱目等書最  
要於治道者爲一冊名曰西山筆義自後避跡三十

年卒于家後人題其墓曰 大明處士

配享標亭蒸  
僖公祠宇



林時啓字子沃號隱庵平澤人杜門齋先味后通德郎  
塾子 萬曆戊子生大性剛毅以忠孝自期嘗有詩  
曰在國君臣義居家父子情寸誠如不息忠孝一門  
生當丙子亂與弟四人及同志曹清江諸公糾募至  
礪山與五賢合兵進清州聞和成罷歸自靖 高宗

辛未 贈禮議 命旌

林時泰字子亨號玉林隱庵時啓弟 萬曆庚寅生丙  
子以本州都有司與兄隱庵及三弟羣從舉義同曹  
清江赴五賢義陣並進清州聞和成罷歸隱居壽陞  
通政 高宗辛未 贈左承旨松沙奇字萬撰礪



崔繼憲字伯述海州人文憲公冲後 宣廟癸巳 賜

繼義兵大將 贈吏判竹溪慶長孫忠毅公慶會從

孫通德郎弘有長子 萬曆庚寅生天姿貞粹性度

溫裕王考判書公甚鍾愛之及長與弟胤憲受業于

伯父忍齋公刻意篤學以圖成統壬子年間移居寶

城聞金進士瑞圭明於易學遂從而請益俯讀仰思

象數之原變化之妙益有心融神會之趣至若六經

洛建之言無不反覆參考漸涵細繹見識之透研究

之精有非世儒之所能及而專於爲己恥於求聞故

常自韜晦人鮮能知當丙子北虜猖獗南漢受圍公



與李進士敏臣朴進士春長糾合義旅鳩聚糧械馳  
赴安牛山邦俊義兵所同進礪山及聞和成痛哭罷  
歸自是晦跡林泉絕意世事人稱石門居士後與李  
懋臣朴震瑞諸公共修呂氏鄉約更定條例行之  
謹篤鄉鄰皆取法焉時有山陽五賢公其一也鄉人  
爲立祠祀之

事見輿地勝覽  
及湖南節義錄

崔起宗字孝叔海州人文憲公冲后忠憲公有滄十一  
世孫左承旨尹範五世孫士辰殉節日休堂慶會從  
曾孫瑞生子萬曆乙未生丁酉丹熒舉家避亂于  
興德父爲賊所拘抗義不屈竟被害賊又欲逼母夫



人公年纔三歲母夫人慮禍色叵測托公於家奴順  
同卽赴沙津投水而下從丁酉九月二十九日也公  
自學語常懷憤冤語及海寇事輒痛哭不已早受學  
于母從祖忍齋公材學夙就不屑詞場兼習武藝後  
登武科拜珍海縣監公上疏具 啓丁外內憂之冤  
枉欲往慰之 上嘉之移 除興德莅縣祭告母夫  
人于沙津號辦不欲生水爲之沸赤三日世以烈孝  
所感稱獎 啓聞旌烈逮 仁廟丙子北胡逼京公  
聞難激勵率長子揆傾家儲揀家丁鄉兵精銳者馳  
赴義所遽聞購成北望長號以糧餉輸完府而歸



崔鳴海字巨源號三湖海州人文憲公冲后曾祖慶雲  
進士號三川丁酉再燹殉節于烏城山祖弘載文持  
平號竹隱壬辰從季父忠毅公倡義光海癸丑以言  
官抗疏出補蔚山憂憤成疾卒于官父光憲宣教郎  
以行誼爲鄉黨所推重公生于萬曆丁未器宇峻  
整志節介確八歲受曾史至唐賀蘭進明不赦張巡  
問曰何不告于天子奪軍討賊師大奇之曰天子入  
蜀號令不行不能如汝所言也乃曰唐之禍亂專由  
此輩之握兵而其不亡者實賴巡遠諸公奮不顧身  
效節立殪之功也聞者皆竦然異之及長沉潛乎



學激昂乎忠義及丙子冬北虜猝薄南漢受圍公開  
即憤惋設義廳於所居三川里罄家財辦軍需出家  
僮助兵力貽書同志勉以赴難敵愾之義遠近響應  
遂部分隊伍整陣西上時公年已三十未及有嗣謂  
其弟進士翼海口余以早孤之身又未有子今日此  
行不可望生還此後門戶擔君維持勉之哉軍行之  
日裁帛大書 神宗皇帝神位揭奉于軍中約束刑  
賞必告之而後行衆皆歡欣義氣自倍且有一口寶  
刀自忠毅公奪倭將後家藏而出公常行坐持帶以  
助兵威曰此足爲殺胡快劍越校嶺有一吏校後期



公徇于軍中曰強虜在前兵律不嚴何以率勵遂告  
于神位前斬之至潭陽停軍府俸以肴核美醪至  
公曰義旅雖小不可以此均犒使我獨飲則君父  
受圍御膳必多減損此酒雖美臣子豈忍下咽耶遂  
却之至完府諸義兵各次城北暴風大至又因夜驚  
部曲相失公所統獨得其全與省內諸義士會礪山  
進滑州聞城下之報痛哭還鄉著南歸賦以見志絕  
意榮途自稱大明遺民與季氏講究經義以教諭  
後進爲己任甲申間聞南京失守西向慟哭有慟哭兮  
遠望人間此何世之句又有幽居吟一絕曰溪上聞



閑曠一翁一卦宮 崇禎舊日月迥照復西東  
洪沂川命夏嘗宰本縣素服公經學志節及其秉銓貽書  
勸起終不應優遊自靖以終餘年叅判趙泰萬剛齋  
宋樺圭並撰狀

柳樞字子淨號百泉齋文化人大司憲靜默齋善五世  
孫兵曹叅議悅易齋德容子 萬曆丙子生學問行  
誼爲士林推重與李芝峯辟光鄭愚伏經世許荷谷  
符爲道義交當丙子亂與族孫白石棋暨本縣曹守  
誠崔鳴海林時泰諸公倡義旅到清州聞燹成痛哭  
有詩曰回首鯁太白日寒胡氛餘氣暗長安何當携



我堂堂士縛取呼韓幕下看歸隱瑞巖山中構環山  
亭題扁楣曰葉上春秋忘甲子心中日月保 皇明  
世稱 大明處士享彥洞祠蘆沙奇正鎮序遺稿  
林時敏字子求號林泉平澤人通德郎塾子隱庵時啓  
弟 萬曆壬辰生丙子與伯仲二弟及羣從同曹清  
江諸賢舉義糧械應機多有贊助自礪山進清州聞  
和成罷歸後 贈禮議 命旋淵齋宋文忠撰碣

林時震字子起號曉隱庵時啓弟 萬曆己亥生丙  
子與三兄一弟羣從及一鄉諸賢舉義赴五賢義陣  
建夫構成罷歸杜門以終後 贈戶議 命旋



林時若字子肅號鶴汀隱庵時啓弟 萬曆庚戌生文

察訪丙子與四兄羣從及諸賢同赴五賢義廳馳進

清州聞和成罷歸 高宗乙亥 贈戶議 命旌

林時儁字子賢號松溪平澤人通德郎掇子隱庵時啓

從弟丙子亂與羣從兄弟謀勤 王同赴曹清江義

廳糾募方略出人意表與五賢會礪山中路興疾而

行聞和成罷歸 高宗乙亥 贈左承旨 命旌

林時慶字子夏號鶴亭松溪時儁弟丙子亂從諸兄舉

義竭力糾聚曹清江歎其忠勤同赴五賢義陣至清

州聞和成罷歸自靖世補 皇明處士 私以奇字 萬撰狀



林時益字君信號默巖平澤人叅奉垣子丙子亂與三從諸兄從曹清江諸公同赴五賢義廳馳進清州聞下城罷歸 高宗乙亥 贈左承旨 命旌

李廷樞字瑞元號道滌全州人壬辰功臣嗣宗二子壬辰功臣叅議紹永在壬辰功臣教官廷立弟天性正直調儻不苟當丙子亂 大駕蒙塵危在呼吸公倡募義旅直到果川南泰嶺斬胡數百級後援未至殉節於十二月二十七日錄宣武原從勲 英廟甲子 命旌 贈童蒙教官

李允天號秋峯全州人壬辰功臣嗣宗三子稟



性至孝慷慨有節 仁廟朝 除叅奉當丙子亂與

弟廷根仗劍西出以誓詞曰回首東天天日出么麼  
奴賊指鉞開互天網紀終難喪去作長虹割北關於  
是義檄星馳烈士雲集直向南漢路逢虜使裂其文  
斬其首至果川之南秦嶺賊騎忽如風雨出其非意  
衆皆愕然罔知攸爲公兄弟三人挺身單出與馬大  
游擊渾戰一場斬獲頗多然彼衆我寡同殉於十二  
月二十七日錄宣武原從勲 英廟甲子 命旌

贈司憲府持平

李廷根字伯由號慕齋全州人壬辰功臣承旨嗣宗四



子天性孝友志氣慷慨丙子亂隨兄道溪秋峯二公  
誓死倡義義兵四應有詩曰倚劒秋風淚望京寒天  
義氣獨崢嶸慨然列廟神明在忠憤堂堂倡應兵  
十二月二十七日與二兄同殉於果川之南泰嶺錄  
宣武原從勲 英廟甲子 命旌 贈重蒙教官

孔遇吉字乃元號復齋 先聖夫子六十九世孫元順

帝至正九年以翰林學士陪魯長公主下嫁于高麗  
恭愍王始來東國選入太學士拜平章事封櫓原  
君襲封昌原伯紹十六世孫公學力宏博氣宇卓犖  
當丙子亂與從弟亨吉各率家僮數十給饋牛糧即



進本縣義兵所與諸賢協謀赴難中道聞下城痛哭

還山自號復齋蓋志於復歸之義也

後與同鄉諸賢設鄉約

孔亨吉字乃文號菊圃平章事僉十四世孫復齋遇吉

從弟丙子亂與從伯復齋率家僮備糧餉直入本縣

義兵所與先倡諸公同盟冒危即馳義陣遠聞和成

痛哭而歸

後與鄉父老設鄉約有二卷傳世

張慶洽字洽之號竹青堂仁同人漢城判尹載陽五世

孫學文著世智勇超衆當丙子亂與從子翼松集軍

兵同崔公三湖赴礪山進清州聞和成罷歸自號

大明逸氓有詩曰 皇朝四十年前民燕國三千里



外人有酒盈樽謀日醉潯陽松菊夢中隣

張翼字雲卿號蒜臯竹青慶洽在天性醇厚孝友博  
學嘗丙子亂陪仲父從崔公三湖同盟赴義及聞和  
成痛哭還鄉自靖以終

### 同福

金宗智字國寶光山人文肅公周鼎後處士慶成子稟  
性剛毅孝友文行著稱當世丙子亂見五賢檄與鄉  
鄰同志奮義赴難及聞憐成痛哭而歸

丁之雋字子雄號赤松昌京人判決事仁禮八世孫滄  
浪巖壽孫 贈參議有成子 萬曆壬辰生天姿穎



悟從遊尤庵宋先生門行誼學識蔚爲士林嚮服丙  
子亂與弟之傑族叔熙發族弟好敏倡義赴難至清  
州聞憐成痛哭而歸有詩曰海內愧無周日月宵中  
記得晉春秋瘦馬獨尋江上路 大明天地一孤舟  
隱於赤壁江上列植松槐等望美亭題扁楮曰 崇  
禎日月大明江山終老焉守宗齊宋達淦撰墓表

河潤九字汝沃號錦沙晉州人大司諫潔八世孫叅軍  
大豹子 隆慶庚午生早從鄭寒崗學晚遊李月沙  
門 萬曆庚戌進士昏朝乙卯作大倫詩上疏斥仁  
弘造謠等罪惡詩曰母子大人倫猶天有日月日月



有時更人倫終不缺矧是完平君宋家司馬匹三復  
劄中辭自然淚灑筆 仁廟癸酉文科官典籍丙子  
亂與李起淳諸賢舉義到清州開鑄成痛哭罷還戊  
寅 上招司憲府掌令不就判書俞最基序遺集  
丁好敏字士明號鵝山昌原人文縣令汝霖五世孫參  
議鳳曾孫仁男子 萬曆戊戌生姿稟純粹博學多  
識師事沙溪金先生乙酉生員丙子亂見五賢檄與  
再從叔熙發族兄之雋族弟之傑同倡義旅馳進清  
州聞講和揮涕而還自鵝山下與門人講磨詩禮鄉  
人謂其洞曰講禮盧沙奇正鎮撰文集序



丁熙發字明彥號藍汀昌原人文縣令汝霖玄孫進士  
世烈曾孫習讀鄉孫奉事享運子萬曆己亥生才  
局夙成智畧過人丙子間亂謂拜從好敏族姪之  
雋之傑曰主辱臣死義所當然豈忍坐視宗社  
之惡而不赴乎遂與妹婿金宗智典籍河澗九寺奮  
不顧身行至清州聞和成痛哭歸鄉隱居自靖除  
尚衣院主簿不就知縣李柔撰碣

丁之傑字子健號滄江昌原人赤松之雋弟萬曆辛  
丑生少尚氣節勉以忠義當丙子亂隨伯兄赤松與  
族叔熙發族兄好敏募聚兵糧適見五賢傳檄倍



道至清州聞講成痛哭罷歸隱居滄浪江上自謂大

明逸民 肅廟戊午壽賀通政

金聲遠

事實不傳

興陽

丁運隆字而會豐光人不憂軒克仁七世孫監察浩子

丁酉亂舉義未集常以憤恨蔭 除判官當丙子亂

見檄奮起領兵至清州聞講和罷歸作詩曰寸心能

死國隻手奈擎天匪風詩在案讀罷淚沾巾

宋裕問字問甫號漁隱南陽人南陽君琛后忠順衛琦  
子丁酉亂爲本州守城將特蒙嘉獎丙子見五賢檄



沫血揮淚募兵至清州聞和成罷歸賦詩曰舉目山河悲義士投身水石老漁翁

丁煥字子章靈光人不變軒克仁八世孫壬辰倡義兵使傑曾孫郡守弘祿子丙子聞亂應檄收募兵糧到清州聞講和痛哭而還放浪湖山以終

宋譔字士允礪山人忠剛公倣后丁酉殉節 贈叅議

大立子叅議公殉節時公纔八歲哀憤如不欲生稍長就學一日對局戲長者責以妨學公歛容曰至痛在心薄扶桑而履蠶腸豈一日忘于心也讀書欲觀古今得失局戲欲觀兵機勝敗因淚下沾襟甲寅武



科歸養老母居喪以禮 仁廟乙亥 除洪原縣監

翊年丙子北虜猝入 駕幸南漢召八路兵北兵使

李沆南兵使徐佑申等皆入援公爲斥堠將行至楊

根聞兵敗疾馳北進戰于鐵嶺以軍功陞中營將丁

丑避擊潰兵前營將韓老英後營將裴命純皆戰死

公獨奮不退在別陣力戰矢盡无乏公大呼請援南

北兵使終不應官諫朴貴鶴勸公避去公歎曰臨難

苟免非臣節吾父以倡義別將殉於丁酉之亂年纔

四十八今吾年亦四十八父旣死 國子何獨免植

立射賊矢盡指諸將銳擊賊銳亦中折竟死於陣陪



吏姜忠老亦同死卽二月十五日也沆等反誣公以  
輕師敗績金公時讓力爲公伸理且舉正沆等罪公  
議快之 肅廟朝 贈左承旨 旌閭 英廟朝遣  
官致祭 正廟朝享興陽世忠祠 純廟朝享洪原  
敬忠祠陶庵李文正緯撰碣俞文忠拓基撰誌穆湖  
杜弼周撰表畏齋李端夏著南關誌丹巖閔鎮遠請  
廢狀屏下升鳳朝雷淵南有容廣巖村聖澤并有序  
宋瑱礪山人忠剛公保后 宣廟功臣主簿雲起子天  
性孝友智勇絕人官僉知中樞府事早遊隱峯安邦  
俊門講論道義 仁廟丙子公從嚴師安公馳檄列



邑同倡義旅贊劃兵事咸得其宜一軍皆倚仗之領  
兵至鴈山聞南漢媾成痛哭而歸放迹山水間每讀  
書至古人仗節死義處輒流涕慷慨興慕焉事載隱  
峯倡義錄及高輿誌松沙奇字萬撰碑

申德潛字亨美號水巖高靈人醇隱德隣十世孫贈

兵判汝樑子萬曆壬午生孝友出天智勇超人甲

午亂以宣傳官破賊於曳橋奏聞除訓鍊院奉事

又乘勝逐北大捷於釜山拜軍資監主簿連昏朝郎

投笏歸鄉仁祖甲子聞逆報遂奮起募兵糧直至

公州聞賊平而歸丙子虜變聞即舉義奔走赴難及



和成憤泣而歸 除兵曹佐郎轉拜掌樂院正 贈  
工曹叅判

李樞字擎直號采蘋慶州人吏議郁曾孫兵參邦稷  
子受業于安牛山門智量宏遠學識高明兼通武事  
丙子聞 大駕播越不勝憤慨告其兄樟曰吾有兄  
弟四人當此之世各盡職事不亦爲宜乎奉祀養親  
伯氏在矣家中凡事附於三弟杭李弟樸與我靡監  
王事即馳書同志往見先生曰此非 主辱臣死  
之日乎先生大奇之專任軍務到礪山聞礪成兄弟  
痛哭而歸杜門謝世與同志痛飲悲歌有 大明千



古月遍照我家多盈齡知晦朔虜曆於吾何之詩壽

秩通政

李樸字擎文號林塲慶州人采蘋樞弟天姿卓異才兼  
文武從安牛山遊年十三讀論語陳恒弑君章輒掩  
卷太息曰豈有人而行如此之事乎每當月夕輒誦  
出師表三復興歎及丙亂不勝敵愾之憤與兄樞馳  
書同志徃見安公曰食君父之食泛視君父之辱  
可乎公大加歎賞同爲倡義聞譟成兄弟痛哭而歸  
入瀛洲壁上大書皇明遺民四字又題山水崇  
禎綠日月大明紅忍看帝秦耶追傷層海東名其



子曰光夏扁其齋曰華明俱是江黃陽穀之義也與  
二三同志逍遙山水講磨道義以終其年

陳後平初名繼立字善哉號竹林驪陽人翰林梅湖  
萍后壬辰功臣龜城府使 贈戶判松溪武景子氣  
宇高邁武藝絕倫有乃父風早登武科官訓練判  
官丙子亂扈駕南漢興元公斗杓李公時自分守  
城門奪賊將七星寶劍殺獲甚多以功 除興陽縣  
牧官 贈參判

申德澄字子深高靈人醇隱德隣后池亭汝極子 萬  
曆甲辰生蔭都事官少慷慨有大志讀史遇仗節死



義處輒廢書於悵丙子亂舉義族至礪山閭和成卽  
吟一絕曰天地曾無講義士忍令宗社化腥塵不  
能報國身何去可作東歸蹈海人因痛哭而歸自稱  
田舍翁前後徵辟皆不起松沙奇字萬撰碣曰凜  
然義烈足令日星動光云云

申智厚高靈人醇隱德鄰后武科守門將氣節卓異  
武畧過人丙子亂後安牛山邦俊與同郡人士同倡  
義族奮身止進至礪山閭和成痛哭而歸杜門守志  
終老林泉

申應麟字敬遠高靈人冰巖德潛子性本忠孝丙子陪



父舉義與丹從弟檇發向全州聞讞成悲憤揮涕歸  
田廬教訓後進而終 贈戶曹參議

朴雲極字克甫號松溪客陽人雲叟訥生后同中樞真  
先子 萬曆壬子生早遊安牛山邦俊門丙子亂與  
從弟英發同赴于牛山倡義所多有贊畫至礪山聞  
和成飲泣而歸杜門以終後 贈禮曹參判

朴英發字明淑密陽人縣監之蕃玄孫受禁安牛山門  
丙子應牛山檄與兄弟相訣遂赴義陣安公欲爲軍  
官公辭曰師弟猶父子願爲之陪安公許之與諸義  
士至礪山聞和成而歸閉戶終年



李慶逸號鰲川興陽人文敏公舉后僉正世薰子進士  
官主簿氣宇俊邁才兼文武丙子闈大駕播越南  
漢遂與同志倡義旅至完山聞和成歸隱鄧園

李復仁字常玉號克己星州人章節公正寧七世孫天  
寶純孝七歲斷指丙子亂募義旅數百從安牛山舉  
義至礪山聞和成罷歸後以學行除參奉

宋駉字期遠號馬谷南陽人壬辰應從判官忠子天性  
仁孝博通經籍癸酉武科除訓鍊副正丙子從安  
牛山起義至礪山聞和成罷歸杜門惟讀春秋

宋後立字仁順礪山人忠剛公倣后萬戶廷麒子膽力



兼人丙子從安牛山倡義至礪山聞和成罷歸

金好益字乃謙金寧人司僕寺正起南子慷慨有氣  
節丙子亂與從弟景智汝謙得謙汝澗汝仁在忠一  
從安牛山至礪山聞和成罷歸後武科官判官

金振發字鳴玉金海人壬辰功臣縣監德龍孫丙子從安  
牛山起義及聞和成痛哭而歸杜門自靖

曹義欽字士直昌寧人生員慶光孫以孝著稱丙子與  
從弟守欽從安牛山舉義至礪山聞媾成痛哭歸

盧益文字明叔號寒松光山人文簡公守慎曾孫丙子  
扈駕南漢及媾成還鄉壁掛臥薪圖杜門謝世



寶城

安邦俊字士彥竹山人竹城君文惠公元衡后鈍庵廬  
孫墓園隱重峯兩先生自號隱峯晚居牛山學者稱  
牛山先生 萬曆癸酉生天姿正直氣節堅確早從  
竹川村公光前及婦兄村蘭溪宗挺受學年十六赴  
鄉舉見場屋紛擾心恥之遂絕意舉業專心爲已之  
學十九執贄於牛溪成先生門講道高明於是有道  
南之托焉壬辰從竹川倡義往拜鄧相公松江澈答  
論機務松江大加敬歎當廢朝見權奸戮倫遂卷櫟  
林樊 仁廟改 玉屢 除以郵官一起莅任十九



日而歸吳相公允諫 啓曰末世奔競超然退去者

惟安某一人丁卯聞西事方急糾合同志數百人奔  
問 國難沙溪金先生以兩湖號召使薦公爲義兵  
將撫軍司李完平元翼請公問計擊節歎賞丙子聞  
大駕出狩率長子厚之二子慎之三子審之五子逸之  
與同志及門徒數百人爲勤 王行嘗語人以江都  
托任非人必不守及至礪山聞礪和罷歸嗚咽庚辰  
上疏深斥和議言辭痛切自是決意遜晦由憲府至  
叅議陳疏不赴以誘掖生徒爲已任尤庵宋文正公  
曰南方學者賴此文不失趨向矣 孝廟甲午率同



春宋文正公陳達于 朝贈吏叅丙申享綾州道山  
祠丁酉享寶城大溪書院自 上賜額致祭配享同  
福道源祠有文集十卷抗義新編四卷李大源傳胡  
南義錄已卯錄三卷混定編錄九卷俞市南榮撰狀  
尹魯西宣舉撰誌朴南溪世采撰碑

朴春秀字彥實號我誰珍原人直提學熙中八世孫

王子師傳壬辰倡義 贈左承旨竹川光前孫縣監

丁酉倡義 贈執義晚圃根孝子以文行 除宗廟

署直長丁卯進士拜連原察訪丙子亂應玉賢檄糾  
募兵糧進清州聞礮成罷歸以兵糧屬于完營



任況字季源號醉隱長興人丙子亂爲本州都有司  
金銑字汝潤號南湫金海人縣監希說子志操德行  
爲世矜式甲子生員與同春宋先生同年先生稱以  
經學真儒丙子亂倡義募兵推安牛山爲將以見壺  
山檄與弟銓同赴清州聞和成齋恨而歸杜門以終  
宣弘甫後改名弘器寶城人退休堂允祉后通政應  
龍子丙子亂白衣挺身從安牛山倡起義旅後登  
武科官訓鍊叅軍陞通政

宣春蘭寶城人退休堂允祉后功臣主簿大老孫智畧  
絕倫仁廟朝官忠翊衛丙子亂從安牛山倡義



李宗臣字采之廣州人遁村集后忠僖公仁孫六世孫  
縣監應男子蔭宣教郎丙子亂不勝忠憤赴完山  
與李雲巖與淳同起義旅至清州聞和成罷歸

李懋臣字懋之號新陽廣州人宗臣弟氣字魁偉操  
守堅確潛心禮經頗有自得丙子與兄弟叔姪同盟  
赴義享山陽六賢祠

李敏臣字子求廣州人懋臣再從弟 仁廟乙亥進  
士孝友有氣節丙子與諸從及諸姪同舉義旅與  
安牛山邦俊相爲聲援行到清州聞講和北望痛哭  
歸路以軍糧付本道希賢堂以爲養士之資



李沃臣字啓伯廣州人宗臣從弟丙子亂起義旅赴難  
後贈掌樂院正

李誠臣字誠之廣州人宗臣弟文藝夙成氣宇魁梧慷慨  
有大節丙子與諸從兩姪同赴義旅

李景臣字文伯廣州人沃臣弟丙子從伯仲赴義

李哲臣字明伯廣州人沃臣弟氣宇宏偉膂力過人  
丙子慷慨赴義

李元臣字國老廣州人沃臣從弟性行溫厚孝友純篤  
丙子與一家諸從同盟赴義

李時遠字汝仲廣州人敏臣從姪仁廟己卯生員文



章夙就性度剛毅丙子以家僮三十庫米三百石與  
牛山安邦俊同舉義旅傳檄樂安多抄軍兵行到礪  
山天不與其年而卒

李章遠字器甫號桐溪廣州人宗臣子筌仕副司果天  
姿剛直志慮深遠丙子與安牛山邦俊同舉義轉輸  
糧餉未嘗乏絕父子忠節一世敬服沈祭酒麟撰狀  
文希舜字汝華號太古亭南平人忠宣公益漸十一世  
孫牧使佑昌五世孫節度使載道子世篤忠孝學問  
鳴世從師隱峯安先生同倡義旅作募義文至礪山  
聞鑄成痛哭而還遂廢舉禁慷慨有詩曰憶昨蒼黃



南漢事臣民有口忍爲言如何崇德元年號忘却

神宗皇帝恩無罪人間三學士傷心塞外兩王孫男

兒虛負平生志仗義歸來未喪元等亭干天皇臺

上題東西楹曰 崇禎日月 皇明山水逍遙自終

世稱 皇明處士後 贈司僕寺正事載尊周錄湖

南義錄及山陽誌

朴惟孝字友彥號竹窩珍原人直提學熙中后天賦拔

萃直養有素與兄惟忠從兄惟悌從隱峯先生安邦

俊同聲倡義因遁啓 除濟用監主簿 贈左承旨

晦峯安圭容撰狀東江金寧漢撰碣



宣英吉字文彬號義齋寶城人判書元祉后當丙子  
亂慷慨忠憤從安牛山邦俊同舉義旅至礪山聞講  
和痛哭罷歸

沈恒壽字子久號誠齋青松人左議政定安公德符  
後學行篤實慷慨多志節丙子亂率家僮百餘人  
與隱峯安先生舉義到礪山聞和成而歸遯跡林  
樊以開後學自樂終世

長興

丁南一字道謙號松隱靈城人靈城君贊后壬辰倡義  
善山守贈叅判盤谷景達孫典籍霽巖鳴訖子天



性剛果志行精粹受業于族野張顯光門甲子從賊  
籍公募兵聚粟聞亂平而止乙丑中司馬逮丙子聞  
北虜直犯京城大駕入南漢奮袂而起以死自誓  
曰竭誠爲國吾家世禁遂應李雲巖興淳檄與丹從  
弟乾一及鄉友金確魏廷鳴諸人領義兵將赴行  
在到清州聞講和不勝憤惋語勤王諸公曰講和  
者只是國家姑息之計春秋大義固當以死守之  
奈之何苟全生活反事不共戴天之讎也惟我三百  
年列聖休養之澤洽在人心今若爲一舉則一國  
懷忠死節之人必居半以居半之勢而忍屈膝於大



羊平昔魯仲連却帝秦胡澹庵斥和議是二人者  
豈無所以哉我以 皇明陪臣之家區區義氣無處  
施用只願與二子同歸而已自後無意世事終老蓬  
蒿每誦岳武穆誓心天地唾手燕雲之句不勝激烈  
之懷有遺集行于世

金確字確然清風人文平公吉通六世孫天姿忠孝雅  
性慷慨丙子亂見五賢檄與一鄉同志赴難至清  
州聞和成揮涕罷歸後 徵參奉不起以終

魏廷鳴字叔謙號磻溪懷州人高麗侍中葛珠后判官  
顏村德厚子生而英秀文學著名甲子亂與二兄募



兵應檄丙子亂又與二兄應五賢檄兵至清州聞和  
成齋悅而歸結茅溪上謝世以終

金尚範字而度號隱湖愚叟靈光人文敬公台用后  
典翰璜五世孫 贈參議海壽子 萬曆癸未生年

纔四五歲能知忠孝之義丙子聞南漢被圍應安牛  
山邦俊檄與從姪有信募兵三十聚米十石馳到厲  
山聞譟成北向痛哭而歸等室於府南沉香浦上漁  
釣自靖終身坐不向止以寓京周之念 顯廟辛丑  
給復 哲宗丁卯 贈童蒙教官 高宗壬寅享冠

山龍岡壇

金先範金尚範金聲  
範金鼎瑞四孝并享



金有信字明與號石潭靈光人典翰璣六世孫從仕郎  
幹子 萬曆癸丑生天性至孝膂力過人有經濟之  
志當丙子亂與從叔愚叟公聚兵穀赴安牛山邦俊  
倡義所安公喜而問曰時年幾何公仗劍對曰年將  
項籍渡江之時而力不及拔山矣安公曰壯哉此言  
爲國之寶也卽差軍官馳到礪山遽聞殫成痛哭罷  
兵而歸因廢舉業遍遊山水間作詩浪吟曰痛哭君  
臣淚傷心父子愁何時胡首斬洗却我王羞

金器元字禮伯號誠齋清州人都承旨麟后壬辰殉節  
主簿成章子性本慷慨事親至孝丙子從安牛山倡



義赴難至礪山聞和成痛哭而歸杜門自靖有撫劍  
看燕雲之句

馬而龍字雲卿長興人丁酉殉節主簿河秀三子識量  
宏遠壬子武科丙子以全羅左營虞候與水使安夢  
尹督發管下戰艦作勤王行姪時雄從爲叅謀路  
聞和成而罷後老峯閔公啓薦樂安郡守不赴

### 海南

尹善道字約而號孤山又號海翁海南人已卯名賢橘  
亭衢曾孫乙巳名賢判書駱村毅申孫監司唯幾子  
萬曆丁亥生拜大君師傳仁祖癸酉以庶尹



登文科歷兩司 崇禎丙子公在鄉聞北虜入寇

大駕遷南漢公北首拜涕曰三南諸帥難當賊鋒又  
無與共事幕府解南漢之圍而徒阻絕於中途不若  
由海道直往江都江都是亦一朝廷也公卿大夫亦  
多往焉江都守軍及三路舟師合勢則兵亦不爲少  
矣江都去南漢密邇隋唐之間又多用兵之地若使  
善用兵者或出奇兵或施秘計則方張之賊可破南  
漢之圍可解江都守禦亦可萬全亟具舟楫以備不  
虞雖江都失守使南漢無牽制之患則亦一助也遂  
檄發鄉族簡率家僮五百餘晝夜艤馳惟統營舟師



與公同進而比至江都已失守矣公與統營中軍黃  
渙等相向痛哭時傳言大駕已潰圍東出將向嶺  
南而虜兵彌滿無由諦知其實若還湖南必有朝  
廷通行處可以探聞行在遂與黃渙哭別面睨又  
寄書於渙曰翠華的東則必轉于嶺今欲浮海而  
從若又不幸則西山之薇商山之芝常寧之榻箕子  
之琴是我心也後官至兵曹叅議肅廟朝贈爵

賜諡忠憲

白尚賓字景揚號玉川水原人玉峯元勳孫壬辰扈從  
功臣松湖振南子萬曆壬辰生丙辰生員文章德



行克紹家業戊午 詔使之來止清金公塗薦公以

白衣製述官而適病未赴丙子亂聞 大駕去邠與

弟尚賢奮起爲本州都有司糾旅赴難至清州聞和  
成痛哭而還杜門廢舉茶語到丙丁未嘗不流涕兄  
弟連床詩酒自適以終餘年梁圖南輓曰西山孤竹  
子東海魯連生丁丑年來隱不專美聖清

白尚賢字景輝號月洲玉川尚賓弟 萬曆乙未生丁

卯司馬孝友出天文章筆法趾美家聲丙子亂與兄  
玉川公奮勵赴義矢死 國難糾旅進清州聞壽和  
痛哭而歸杜門謝世湛樂以終當世莫不歎賞



尹仁美字子壽號牢癡軒海南人忠憲公孤山善道子  
萬曆丁未生姿貌魁偉孝友有度量博識無不通  
文章筆翰早有公輔之望爲士林所推重忠憲公嘗  
曰仁美國器吾不能效祈奚之薦子是負國也庚午  
司馬與弟義美聯璧上以師傳子別召便殿恩  
語鄭重應對如流上稱忠順可用目送而咨嗟富  
丙子亂忠憲公揀率家僮數百以水道赴難公請從  
行忠憲公止之曰此行成敗未可知父子同赴水道  
非計也汝則不如斜合義族由旱路進若宗社復  
安父子再見則天也慎勿以老我爲念生死以之時



義檄五賢知公幹局推爲兵糧都有司公慨然奮起  
率家僮辦糧餉七百斛且募且聚赴難至青州聞  
朝議歸和痛哭罷歸忠憲公亦以舟師至沁都而返  
父子相面流涕遂浮海入保吉島以爲終焉計 顯  
廟朝文科官成均學諭 肅廟戊子 贈獻納後例  
贈司諫

金鍊之字精叔號松隱金海人吏叅西湖永堅六世孫  
生員安邦子孝友忠信又能文章生員公嘗病衄血  
指以延齡丁內憂廬墓鄉黨稱其孝乙卯進士庚午  
登廷試 仁廟嘉獎 宣賜小寧丙子亂聞南漢徵



兵之哀教且見五賢徵設義廳於本縣聚宗族及  
境內士友傾家藏助糧械同赴清州聞憐成相向痛  
哭決意避世賦詩見志

尹績字熙伯號蒜山海南人戶參漁樵隱孝貞曾孫禮  
賓副正明中子早從從兄橘屋學以文行稱 萬曆

中進士丁卯亂糾合義族丙子亂屬家事於從弟績  
募兵糧赴難和成後與從弟進士綽處士縝隱居以  
詩筆自娛

尹善繼字孝伯號雙亭海南人漁樵隱孝貞玄孫杏堂  
復曾孫丁酉倡義端中孫自少以古人自期修身行



詛爲世所推丙子亂應五賢檄與同志諸公募旅赴  
難聞下城悲憤還鄉自靖林下蔡湖州裕後以逸士  
稱之

務安

鄭曙字光遠號三棟堂溫陽人察訪希賢曾孫文章英  
邁忠義慷慨仁廟朝進士文科歷成均典籍禮曹  
正郎出補雲峯縣監丙子冬胡寇逼京大駕遷南  
漢遂與同志糾合義旅星馳北上忽逢聞鑄成舍宛  
忍痛撤兵而還鏃跡江湖深寓風泉之感肅廟朝  
以優老典特陞嘉善



朴敦吉字以善號慎菴務安人兵判義龍后僉樞任  
子師事沙溪金先生志氣倜儻勇略超絕學問精明  
富丙子亂倡率義旅爲從事官贊畫軍謀爲衆稱詡  
馳進公州聞和成撤兵而還後 贈敦寧正事載節義  
錄三綱錄及郡誌

朴東柱字君鎮號友松官監察務安人判書義龍后壬  
辰殉節吏議信孫司評元吉子生而穎悟博覽羣書  
旁通韜畧富丙子之變奮身敵愾與長子諶辦兵糧  
急赴五賢義陣疾馳止上至華城界聞鏖成不勝憤  
惋相向痛哭賦詩曰昔神州之陸沉兮嘆啓沃之無



階矣且沁營之失守兮南漢之恥何以雪乎

奇宗獻字景猷號守虛堂幸州人皆伯君孝謹子十八

陪父樹勲授訓鍊院正甲午武科累典州郡乙巳

錄宣武勲陞嘉善封幸原君丙子以坡州牧扈駕

南漢命守南砲樓刻仗節死義四字於兩臂上陞

嘉義有錄券

鄭時僑字姬叔號郭隱羅州人月峯鳳壽孫孝友文行

爲世所推從遊于童士尹幾舉講論性理之書先生

甚獎誨之待以道義之交丙子游學京師時金虜

猝至以布衣扈從南漢時率力倡和議大駕朝暮



出城公不勝憤苑即詣體府上書有願從魯連蹈海

之句上疏論金慶徵江都失守之罪亂靖不叅酬勞

科虜陷中原止望痛哭有風泉之思除司饗院直

長以帖有順治號辭不赴壁上揭伯夷採薇元亮餐

菊圖以自況詩曰薇窓菊露書明史永曆山河一

遜人知縣俞榮稱皇朝逸民李行進追獎崇禎

完人肅廟甲戌陞資通政事載節義錄東史撮要

金弘呂字振遠號松軒固城人叅議撫國孫早游松川

梁應鼎門義篤春秋力辨華夷仁廟甲子中司馬

适變舉義聞亂靖而返丙子倡募義旅數百兵餉



百斛直赴行在至水原猝遇虜陣挺身奮擊斬  
百級馳入南漢承命巡堞觸冒矢石多有勞績  
及和成痛哭而歸據梧梁曼容贈詩曰學術濂關繼  
文章屈宋傳崢嶸扶正氣勘亂素心全事載節義  
徐國章字文叔號蘭亭利川人判書孝堂曾孫校尉  
孫講究性理學術益明宣內子亂應王賢傲與丁  
松之雋諸公同赴清州聞城下之報痛哭而歸隱於  
湖山之陽號其洞曰遁趾而永矢不仕而終

洪光義字叔和南陽人文正公彥博后兵曹參議宗  
子天姿粹美少尚氣節嘗丙子亂與梁翰林曼容



郭隱時僑諸公會兵于礪山行至清州聞和成北首  
痛哭而歸隱居國師山下自謂大明逸民後除  
嘉善

金璉字玉進號冶軒光山人文正公台鉉后文掌令社  
曾孫丙子冬聞亂與族兄進士東達族在都事聲夏  
同倡義旅跋涉登程期赴行在中途聞和成痛哭  
而歸悲憤慷慨無意世事隱居田里日與門徒講論  
經義三登薦剡除穆陵令不就

咸平

鄭禧字汝有晉州人察訪咸一孫掌樂院正慶得子世



篤忠孝慷慨有志節丙子亂與從弟稿應五賢檄以  
本州都有司聚兵糧至滑州聞和成痛哭還鄉絕意  
名利有蹈海之志 英廟朝 贈戶曹叅議

鄭汝倣字先之號聽松東萊人貞節公甲孫后 贈左  
承旨再與子祖母吳氏當丁酉亂與同閨七婦女避  
寇遇賊并蹈海殉節 肅廟旌閭丙子亂見五賢檄  
慕義至滑州聞和成退歸鄉里兄弟湛樂以終

鄭稿字遂卿晉州人進士希得子慷慨有大節丙子亂  
應五賢檄與從兄稿及鄭汝倣募兵糧至滑州聞和  
成慨然流涕兄別提糧亦赴安牛山倡義



金得男字善述號梅竹軒光山人忠定公若時后佐  
理功臣吏叅順成七世孫主簿 贈叅判億昌子早遊  
金仙源尚容門 萬曆戊午武科官宣傳 仁廟錄  
靖社勲甲子變虐 駕公州多所資畫拜草溪郡守  
丙子亂以僉使留鎮江都賊掠我士女數百而去公  
獨願出戰 儲宮壯之賜劔馬及錦遂與梁挺之出  
城迎擊殺傷甚多賊畏逃公乘勝奮擊追至富平  
奪騎賊馬而還忽中流矢而死奴朴福僅免走告留  
守張紳啓 東宮東宮痛惜曰金某殉節 國家之  
不幸賜殮葬之禮戊寅 贈判尹 顯廟朝贈享表



忠壇忠烈祠及梅谷祠 純廟戊子加 贈兵參命

旌壬辰遣官致祭始公殉節時夫人金氏聞而哭曰  
夫既死於國妻當死於天遂不食死事 聞旌閭

高宗壬辰 贈兵判謚忠毅文清公金鎮圭作傳

北軒金春澤撰狀智齋金勳撰碑判書金奭鎮撰  
謚狀

尹之元字伯仁號箕窩坡平人文肅公璫后受業於安  
隱峯門文藝早成旁通兵略丙子亂聞 君父蒙塵  
南漢奉其師舉義疏因申景稹入侍 御營胡騎猝  
至一軍懼伏無人敢前 上命將守禦公應募奮身



突擊衝殺賊軍驚散一城賴安 上嘉之命 賜酒  
即拜衛率時在外諸將不敢前進都元帥金自點駐  
兵徽原無援意 上又拜公佐郎兼督戰官宣諭元  
帥事竟不諧反 命歸鄉更倡義旅到礪山開鑄成  
師弟痛哭罷歸故山自適林泉後配金梅祠

羅珪號松坡蔭叅奉錦城人清白吏殷制五世孫丙子  
亂倡義到完山聞鑄成痛哭有詩曰食肉諸公盡縮  
頭天翻地覆痛何休從今已定入山計驅馬荒城向  
故州宋剛齋稱圭撰狀

李時佑號龍巖咸平人孝友堂懼后戊午凶黨設廢



毋疏廳於本校公與伯氏時挺鳴囉遜之丙子倡義  
赴南漢題詩城門曰有力誰助佞臣頭今日君臣死  
已休抱守麟經無地讀沙椎何處起中州宋左庵以  
麟經大義首陽高節八字獎之 贈執義

李時泰號湖隱咸平人孝友堂惛后善書隸嘗赴試  
筆魁後廢舉杜門丙子亂應五賢檄倡義又爲宋尤

庵辨誣疏後 贈禮參

湖南丙子倡義錄卷之三終



湖南內子倡義錄卷之四

羅州

金璇字而獻流市西光山人己卯名贊執四世孫護軍  
富成子生于 隆慶戊辰幼而孝壯而文乙巳中司  
馬遊泮宮時當昏朝疏斥戮倫謫長淵癸亥仁廟  
改 壬宥還 除叅奉禁府都事察訪終不赴上  
命賜米肉復其家甲子适變與羅海鳳傳檄道內糾  
募義旅旋聞适就戮而止丙子聞南漢被圍發文諭  
境內將欲赴難時同州前翰林梁公曼容諸公發檄  
倡義公即應檄誓衆刻日登途病忽沉鈍使子



時時代領軍送之戒曰吾老且死不能從征愧  
古人興疾之義也 君父之讎義當忘軀汝其勉之  
及聞和成撫膺長痛後以遺逸屢被徵 命皆不就  
有遺集建祠溪澗文巖鄭浩表其墓

羅海龜字應疇號石壕官叅奉羅州人翰林和曾孫壬  
辰倡義德讓子忠烈公德憲從姪生于 萬曆辛巳  
德器淳厚文藝夙成事親極孝少師金沙溪學究入  
人理分絲毫多被師門獎誦丁卯北虜侵境應沙溪  
先生號召使之檄馳進礪山扈送 鶴駕而還丙子  
冬虜又渝盟南渡 國公慨然有北首死敵之志移



檄遠近首豎義旗與弟海鳳姪子生員俊進士休族  
弟好義及同鄉金璫招集義旅會于礪山與鄭崎庵  
弘溟合部至青州整軍立誓曰惟我同志一乃心力  
同死社稷以雪主上萬一之憤諸義將莫不感泣  
忽聞和成遂痛哭作詩曰千秋烈士無窮恨瞻望

皇朝涕自流因謝絕世事肥遯林泉每富神毅兩

皇帝諱辰與姪俊入錦城山中設壇痛哭作悲憤詩  
以示已志朝廷舉遺逸不就庚子考終于石壕精舍  
遺戒勿書崇禎以後官職事載邑誌

羅海崙字應淑號松島贈叅議德謙子文藝夙著甲



子司馬丙子以本州義將從兵赴難聞和成痛哭面  
軍備酒食犒饋而罷二子傲有膽畧陪父從軍有違  
軍律者拔佩刀擊臂曰軍中無私諸義士稱歎之自  
後杜門訓誨三子七孫俱中司馬

羅海鳳字應瑞號南澗石壕海龜弟 萬曆甲申生二

十三登司馬早師姜睦隱沅晚遊金沙溪門講河圖

卦理天文仁說光海丁巳疏斥廢母論被削籍 仁

祖癸亥 除叅奉不就甲子迨變與進士辛惟一發

檄倡義聞賊平而止丙寅同泮生上疏請斬虜使丁

卯虜亂沙澤爲號召使辟公以召募有司募義整旅



至完府與李相元翼定軍策進礪山扈送 鶴駕寇

退貽書于

廟堂亦和議退撫山房讀兵書抄陣訣

及觀氣法名曰登壇必考自序見志王申被 除禁

火司別座丙子亂與兄海龜及二子俊休約一鄉同

志倡率義旅行至礪山與鄭公弘溟合部進到清州

宿疴復發不能自力使長子生員俊代領立木柵整

軍伍追至李西歸起淳陣斬賊九級聞和成遯跡海

島有吾其被髮矣痛哭此人間之詩 正祖庚戌士

林立祠本州俎豆焉內展撰入 御定尊周錄

洪南柱字立夫豐山人舍人倣後司宰監正遵憲子生



于萬曆丙戌性仁孝丁酉亂父母俱歿時年十二  
招魂而葬三年泣血服闋力學文藝超凡戊午中司  
馬丙子與三從弟叅奉適生員連姪致震協力赴難  
至清州聞和成罷歸檣書崇禎二字以寓忠憤

洪適字武甫僉樞廷達子戊午中司馬時當昏朝數  
倫公抱疏極諫仁廟改玉除叅奉賜小學中庸家  
禮等書丙子與一家諸人同赴義陣和成罷歸自靖  
洪連字秀夫贈叅議沅孫志氣卓犖以文華名癸酉  
中司馬丙子與從兄適從姪致震馳赴義陣聞講和  
揮涕罷歸詩酒寓志各亭不貧有遺集行于世



吳以健字強叔號檜軒羅州人敵愾功臣參判羅城君  
自治五世孫丁酉亂以號召官殉節彥虎孫副司勇  
克義子生於萬曆乙酉庚戌中司馬以勲臣嫡孫  
除參奉陞中樞天性忠孝甲子與辛惟一羅海鳳  
募兵馳至蘆嶺聞賊平以其報遺道伯補軍餉丙子  
亂與族姪守翼慷慨流涕曰吾家是勲臣之裔豈可  
坐視君父之危乎遂挺身赴義聞和成歎曰豈意  
禮義之邦遽爲腥羶之窟乎還家杜門勉子弟以忠  
義律身以小學年六十五卒

羅好義字正甫海龜三從弟萬曆戊子生局量出



人丙子亂與族黨諸公及同志之士倡義赴難道聞  
和成謝京還鄉終于家

洪致震字子起壬辰倡義遠子志氣慷慨丙子亂與從  
叔生員違同志諸人發文倡義赴鄭崎翁到滑州  
聞憐成而歸書 崇禎日月於壁以寓風泉之懷

崔岱字中立完山人郡守弘習子丙子亂與一鄉諸義  
士募兵赴難聞講和罷歸杜門謝世以終

吳守翼字子郁禦侮將軍以敬子生有才局丙子亂從  
三從叔以健赴難聞和成憤泣而歸訓後進老林泉  
李先葺字益夫號磻溪咸平人咸平君克明后父都事



止完號七頭亭甲子變聚兵糧赴難聞造賊以兵糧  
遣道伯補軍需公生于 萬曆辛亥性仁孝竭力事  
親躬執炊爨丁憂居廬哀動傍人昆季四人寢同一  
衾丙子亂與金市西璇羅松島海嶠諸公倡義赴難  
到清州聞和成痛哭而歸杜門自靖以終餘年

林光胤字顯述號寸草堂平澤人忠貞公彥脩後處士  
桂子生于 萬曆癸酉十歲吮親疽而瘳丁酉亂聞  
處士公殉節于南原崩殞痛迫一縷不絕居廬三年  
丙午中生員以館掌議抗疏昏朝斥廢母之論當  
仁廟丙子亂率二子屹峙與梁翰林曼容羅海鳳諸



公同進滑州聞講和北向痛哭而還杜門七年終于家士林慕其忠孝享于錦江祠

李廷楫字叔衛號北亭全義人丁酉殉節後凋堂容濟子慷慨有志節丙子亂與弟廷棟伯姪煥率家僮七十二名聚糧三十八石馳至滑州聞城下之報相向痛哭曰吾其左衽矣因還成疾兩日內兄弟俱逝

鄭存仁後改存道字德祖號守愚堂河東人景烈公地八世孫萬曆癸卯生行誼卓異文章鳴世丙子亂與金璣羅海鳳諸公倡義赴難有贈諸義士詩曰國危無所往主辱敢求安南州多義士吾亦一心丹



昨聞王事棘奴賊逼城圍南鄉僉義士聊與我同歸  
至清州聞和成痛哭而歸自稱 崇禎逸民以終官  
同中樞事蹟已載湖南節義錄

崔億瞻字以爰耽津人耽津伯思全後正言四勿孫  
瑒子錦南溥從玄孫生於 萬曆己酉氣節卓犖癸  
酉中生員丙子亂投袂奮起與羅海裔諸人倡義募  
旅到涓州和已成投仗裂旗而歸絕當世扁其堂曰水  
明優遊自適年七十終

柳時泌字長源號高巖文化人文簡公西坡軒六世孫  
府使市達子器局寬弘丙子亂從金璇舉義馳赴



義陣道聞和成痛哭而歸隱居以終

鄭瀾字揚彥號竹友文靖公雲齋可臣後景武公兵判  
軾六世孫吏曹正郎逸軒諱孫萬曆癸未生才局  
夙成智謀過人丙子亂聞南漢被圍謂從叔府使如  
麟曰賊虜猖獗國勢蒼黃此正臣子效死之秋豈忍  
坐視宗社之急乎如麟奇其言見牧使吳竣借戎  
服兵器與之仍慷慨流涕曰吾於壬丁之亂俱效力  
今年踰七十不能自力兩兒滅潞俱有弓劍之才可  
與之偕往瀾遂與滅潞及其從弟洋倡義曰方今一  
鄉同志舉義以應五賢可往從之即馳赴義陣聞麟



成而還杜門謝世事終已矣

廉振國字匡叔號納爽亭坡州人曲城伯悌臣後公獻  
子氣字魁偉洪武寇處亮薦于朝除童蒙教官  
丙子亂謂表叔鄭如麟曰主辱臣當死誓不與此  
賊俱生即赴義陣間鏖成而返寄意江湖經籍自娛  
柳時輝字輝叔號溪隱文化人監司繼先五世孫習讀  
希榮子丙子聞亂慷慨與鄉人同志起義赴難聞和  
成顧謂諸義士曰國事至此與諸公同歸蹈海可矣  
罷還杜門以終其年

鄭之說字毅老號永慕齋河東人掌令希周六世孫



生員文孫曾孫將仕郎時繼子 萬曆丁酉生 天

啓甲子武科丙子亂 大駕播遷公不勝忠憤傳檄

列邑募兵赴敵時兵使金俊龍據先教山城聞公智

略辟爲中軍賊乘夜來襲公奮力大呼三衝賊陣賊

首乘白馬戴鐵直衝城中涵懼公獨守信地腰弓手

砲射殺白馬賊時雨雪俱下賊黨潰散奏捷特

除訓練主簿 教旨書崇德僞號公奮然曰 大明

乾坤崇禎日月大統尙存焉用僭號終不應痛哭還

鄉入德龍山以終其年

曹弘業昌寧人丁酉倡義義立于丙子亂聞羅海鳳等



舉義從之諸公專委軍餉別辦米九十斛以補之遽聞請和將罷撫其島鉉曰是吾父討倭時所獲吾欲將此以解君父之危今無可用歸納于官

柳浚字深源號四矯堂文化人文簡公夏亭寬七世孫  
僉正夢翼子丙午中司馬仁廟改至除金吾郎  
甲子亂用扈從勞陞主簿以親老解歸丙子亂亂力  
疾而起與曹清江守誠募兵赴難和成罷歸無意於  
世以讀書教授爲樂遠近學者多有成就

崔震崗字子高耽津人栗亭鶴齡后樞軒三省孫天  
女秀美少尚氣節富丙子亂公開憂不勝慷慨率家僮



十三名銃五柄弓箭八部將欲勤王會和順曹公守  
誠傳檄倡義而以公爲本州募義有司卽與同志諸  
人赴其義陣與五賢合於礪山前至清州聞礪成罷  
歸屏跡終身不赴舉以終事見錦城三綱錄

梁惠容字敦仲號慕軒濟州人松川應鼎孫受業于

宋海狂濟民門經學高明孝友純至仁廟丙子聞亂

起義至清州聞礪成感吟一絕

上句缺

下句云恐以

堂堂忠義國公然翻作犬羊鄰薦授司宰監正不

就壽階同知

李敬字子昇號寒泉慶州人已卯名賢茅山解玄孫教



授友信子智謀過人膂力絕倫仁廟甲子武科歷  
咸鏡中軍丙子亂以義兵將赴南漢與慶尚左右兵  
使許完閔泳營將宣若海合戰斬獲甚多竟於丁丑  
正月殉節招魂葬于羅州橋頂村 贈兵曹參議子  
長元護軍隨父赴難同殉事載國乘及錦城誌

金時皓字吉甫號聽籟軒光山人市西璇子 仁廟甲

子進士丙子湖南漢被圍從父命與雲巖李興淳據

梧梁曼容諸賢倡義勤 王至清州聞和成撥食嘔

血歸路入全州祭 真殿文略曰克復 大明廓清

守內云云後以尤菴宋先生薦 除衛率出爲德山



南平縣監有清白碑有遺集行于世

洪邊字杵叟豐山人參奉適弟孝友有氣節丙子從家兄適赴義廬至滑州聞和成痛哭能歸壽陞通政洪命基字定中豐山人致震子生有異質丙子亂以父命赴安牛山義陣行至礪山聞和成罷歸自靖

林聰字士昂號正窩平澤人寸草堂光胤長 甲子亂扈從公州丙子陪父赴義至滑州聞講和痛哭而歸隱居而終

林斗字子高號梅雪堂正窩聰弟甲子亂扈從公州丙子亂陪父兄赴難途滑州聞講和痛哭而還隱居



義以終其年

雷巖

曹行立字百源號兌湖昌寧人集賢提學尙治后昌山  
君繼設玄孫早遊沙溪金先生門忠孝有氣節甲子  
亂募義丙子亂與林月滄伯林尙州瑞諸公倡義合  
兵礪山至清州聞講和罷歸所收義穀納巡營補軍  
需慷慨有志恢復有 大明天地今安在欲挽長河  
淨洗塵之詩歷宰四邑進秩僉樞退老鳩林設鄉約  
建閭塾春秋講信義后立祠西湖上  
左菴宋文正公  
銘其墓  
慎汝詛子士善號梅堂居昌人監司幾后奉事元凱子



力學博問慷慨有志節辛卯與弟汝訓俱登司馬以  
行誼薦除叅奉不就甲子亂發檄舉義爲四邑都  
有司丙子與弟汝源馳赴礪山與五賢合兵赴難聞  
和成兄弟揮涕而歸遜世以終

林埴字孟堅號月滄羅州人白湖悌子繼縣監習靜懽  
之後仕至咸平縣監磊落有不世才文章卽其餘事  
當癸亥反正元相斗杓勉以同力王事而終辭  
以無二君之義遂隱不仕甲子變同曹允湖行立墓  
義又當丙子聞難投袂與曹行立林起榮諸公赴難  
聞和成而歸杜門謝世仁廟嘗問林埴尙在世否



觀其 龍眷而可知其人矣

朴承源字季悠號雪坡咸陽人正言孤狂權曾孫直長  
大器子文章學行爲世所推壬辰亂直長公倡義赴  
高靈峯幕公與兄長源陪從丁酉舉義破賊有功丙  
子聞變募義時年七十五后 贈戶叅

林起榮字仁甫善山人翰林暉子文學早成孝悌稱著  
丙子聞亂憤惋卽與同州諸公募旅聚糧以應五賢  
遽聞下城罷歸閉戶講學以終其年

崔灝字溥之全州人烟村德之后主簿吉男子能文章  
尚氣節剡 除叅奉丙子募兵糧應檄赴難聞和



痛恨而歸 孝廟朝三上時弊疏 優批稱賞

高傳咸字君一號名隱長澤人己卯賢雲玄孫霽峯  
敬命從孫丙子舉義赴難鄭畸庵贈詩曰忠義名門  
又見公及聞和成悲憤罷歸己卯俱中生進

靈光

李喜熊字廷尚號祀泉全義人正言涓玄孫執義審幾  
孫 嘉靖壬戌生早孤志學受業于梁松川應鼎丁  
酉亂奉母躲避于江遭艱廬墓壬子司馬甲子文科  
無意仕宦退休林泉當丙子時年七十五見五賢徵  
卽奮起子孫憫其老公曰前日之難爲親而生今日



之變爲君而死遂拜諡祠崇奉家僮二十赴義至  
清州開講和痛哭而歸以其糧輸羅州濟倉時猶李  
氏義倉述懷贈金秋渾友叙曰痛哭南漢事尙忍今  
更陳寧將與夫子共往寂寞濱云辛巳宰結城上治  
道十六策蒙優批傳教政院令該曹特陞堂上  
仁廟戊子率太學士李德壽撰狀

李敬謙字子益號竹峯咸豐人六妾剛方忠義自勵  
常有以身殉國之志壬辰與從叔西溟公聚義穀兵  
械送于高署峯陣中子適變又倡義募兵糧以赴  
國難丙子亂以本州都有司應五賢檄與縣監李



喜熊宋軾姜晦萬舉義北進聞和成罷歸終老于家  
後 贈吏叅

李坵字次山全州人褻度公天祐后壬辰倡義七梅堂  
克扶子早承庭訓學禁日進丙子亂憤不自勝竭力  
召募赴五賢義陣及和成罷歸後 贈司僕寺正

宋軾字汝瞻號鉢山新平人清白吏知止堂欽后兵亂  
益忱玄孫儀範莊重文藝夙成丙子應五賢檄舉  
義聞下城歸吟一絕曰一國衣冠污羯埃漢城門外  
血盤開吾將蹈海仲連志擊楫中流痛哭哀

李珪字華伯全州人褻度公天祐后壬辰倡義四梅堂



應鍾孫副司果醉翁克挺子 萬曆甲午生天姿忠  
厚志節宏豁孝友文學著稱當世當丙子亂應五賢  
檄以本州都有司率家僮鄉丁數百人與從兄坵縣  
監李喜熊寺赴難至清州遽聞構成痛哭還鄉屏跡  
林樊自號聾啞有詩曰千載魯連去而今誰却秦愧  
拋蹈海志大地未亡人又曰聾而人不道啞則我無  
言有目那堪舉歸來永閉門後 仁廟命訪舉義人  
特加 褒爵而公辭不與焉杜門以終

金礪字伯石靈光人文安公審言后叅議衡孫天姿粹  
美居家孝友甲子變與省齋申應純舉義丙子亂應



五賢檄赴難聞和成罷歸三世懿行著世誌

姜時億字天賚晉州人晉山君希孟六世孫判官濬子

萬曆庚子生受業於叔父睦隱沉文學超世癸酉

司馬丙子亂與二從弟及一鄉同志應五賢檄赴難

至滑州聞下城罷歸後除景陽道察訪

丁名國字蓋甫靈光人壬辰倡義贈承旨希說孫文

雅夙成連選鄉解癸酉司馬丙子亂應五賢乃口募誓

死赴敵聞講和痛哭罷還生乙巳卒己卯

金尚敬字質夫號竹齋商人領中樞府事竹軒云寶  
入世孫軍資監判官廷或子宣廟辛丑生天姿朗



秀忠義卓異受禁于姜睦隱沆門有文行爲世所推  
丙子應五賢檄募兵糧至滑州聞和成痛哭而歸杜  
門遜世讀書自娛每以不死於和成之日爲平生至  
痛事載節義錄族孫容璿作傳

姜時萬字巨卿號東崗晉州人佐郎 贈都丞旨睦隱

沆子 萬曆癸卯生文章道學爲世所推視世之趨  
赴利勢者將免焉丙子亂應五賢檄挺身募聚赴至  
滑州聞和成罷歸書 崇禎日月四字於座右以寓  
尊攘之義 顯廟戊申拜 慶基殿參奉

姜時健字子以號石亭晉州人時億從弟天姿忠厚孝



友根性當丙子亂應五賢檄募聚兵粟赴難聞講和  
憤慨罷歸琴書自遣弟正言時儆撰狀

李暉字國舒咸平人竹陰萬榮曾孫受業於姜晦隱  
沆文行早著丙子亂見五賢檄與同志之士赴難聞和  
成悲憤還鄉壬午中司馬

金汝鉦字君粹光山人 贈左承旨大成孫秋潭友及

子仁廟朝登上庠又捷明經科丙子冬北虜再創  
時公在鄉聞難父秋潭公送公以詩誠曰昔爲吾父  
子今作爾 君臣恩義兼難盡臨危莫愛身公承命  
糾募與五賢赴難 駕已出城矣痛哭罷歸 孝廟



嗣位誓復北庭文正公薦公以憲府長按關西

上諮詢方畧未幾聞鼎湖之變公感激知遇解官入  
都氣塞嘔血因疾卒于京第朴文純公世采銘其  
墓尹文成公拯撰其狀有文集藏于家

羅通緒字士章號桂峯錦城人乙巳各賢松齋世續

曾孫 贈叅判德全子 萬曆壬申生陰主簿稟質

魁偉志氣軒豁壬辰出宰鏡城聲績克茂登勸武

及第行宣傳官後以江華留陣功陞嘉善同中樞

光海數論棄官歸田里丙子激忠募義爲勤 王計

聞構成憤惋成疾以卒宋承旨秉玉撰狀松沙奇宇



萬銘碣曰昏朝斃倫翩然澗阿虜變奮義矢死靡  
他云立三綱門

朴湛連號藥園官教官密陽人大護軍衍生后丙子亂  
與一鄉諸義士舉義赴難公爲心腹籌畫方略多有  
所補邊行九郡周旋艱險且出義穀以卹軍餉及到  
礪山聞和成痛哭而歸書 崇禎日月四字於壁以  
寓尊周之義終老林樊

金慶伯金海人生員之綱曾孫丙子亂挺身應募諸  
公知其智略使領軍先進馳赴礪山前至清州聞和  
成罷歸齎恨以歿



高敞

柳東輝字士明高興人忠靖公誠齋澤后贈兵參政  
發子從學於沙溪金先生門涉盡經史尤善詩禮早  
中司馬官禁府都事仁廟改玉錄靖社勲一  
等丁卯亂用舊從江都勞錄等社從勲一等又值  
丙子亂以本縣都有司廣募兵糧輸送義廳講和後  
不復仕贈左承旨

柳鐵堅字汝壽高興人忠靖公誠齋澤后孝子東信子  
天姿冠偉制行卓然乙卯生其拜昌陵參奉居官  
清謹甲子間瘵大痛與靈光倅元斗約進士辛惟一



募兵守城丁卯亂沙溪金先生以公爲刀口募有司及  
丙子亂五賢傳檄以公及季父東輝并爲都有司募  
兵粟送義廳講和後以前察訪不復仕

朴奇號字和叔號梅月軒密陽人贊成事文靖公說後  
莊陵忠臣行生號遜齋棄官隱居于泰仁故子孫因  
爲姓貫 智陵叅奉澆號清香堂金河西題詩美之  
即公之祖也 宣廟戊戌生天姿魁偉文章夙著孝  
友盡道遠近感服且慷慨有大節當丙子亂憤慨不  
已及見圍中哀 教五賢義檄擊節而起與一鄉同  
志募兵粟將赴義廳弟奇瑄握手流涕曰今行當有



往無來何不處家事公笑曰家事在汝復何關心我  
國臣民知有大明而且今日君父辱矣臣子何  
可獨生揮鞭跨馬神色自若馳赴清州聞下城痛哭  
歸鄉入蘆洞山中築亭而植梅種竹逍遙其間扁其  
軒曰梅月肅廟朝以壽陞副護軍奇蘆少亭記  
曹添字恩源號晚梅昌寧人直提學庶后叅奉仁俊  
曾孫剛毅有志節愛親竭孝富內子聞亂挺身與遼  
近同志夙夜赴難聞南漢下城憤慨而歸杜門謝世

柳汝諧

事實不傳

柳之泰字來甫高興人忠靖公誠齋濯后內資寺正



河六世孫孝友出天才略超倫丙子亂見哀教與五  
賢檄奮身募聚旋聞憐成歸隱半登山下松竹之間  
蓋愛其後凋也因自號伴竹齋

### 茂長

姜時彥字伯英號荷月堂晉州人晉山君希孟六世孫  
清白吏判官繼吳子萬曆己丑生生有異質天性  
孝友行義謹篤文章氣節爲當世所許甲子適變募  
義赴難亂平而止丁卯虜亂次溪金先生以兩湖號  
召使募義公慨然憤發募兵至礪山堡東宮和成  
而罷至丙子亂五賢馳檄以公爲本縣都有司公招



集兵糧誓心敵愾期赴難聞和成痛哭而歸自是  
放跡山水詩酒自娛不尢聞達自號湖隱專以訓子  
弟立家法爲事每語及當時慷慨潛然自不禁風泉  
之思辛卯以布衣終

庾永龍字雲路號洛窩茂松人高麗太師忠節公黔弼  
后我朝吏判順道八世孫尚衣院主簿公涉孫龍  
驤衛副司果仁基子萬曆己亥生幼而英邁長而  
慷慨鄉黨稱之有太師公風焉丙子亂倡義五賢以  
公爲募義別有司公時年三十八與一鄉同志齊聲  
舉義募聚兵糧挺身赴難聞南漢下城痛哭罷歸隱



居於洛陽里墓廩洛之淵源講春秋之大義述先業  
教授進爲己任丁亥卒年四十九 高宗乙亥 贈

司憲府監察

金公立字世用滑道人全羅觀察使好雨后壬辰倡義  
郡守希邦孫丙子亂與鄉邑同志赴難聞講和相向  
痛哭而歸杜門謝世諮議朴光一撰狀

井邑

吳茂邦字吉甫海州人壬辰殉節 贈判書應鼎孫

贈判書稷子登武科歷宣傳都事丙子扈從南漢自  
願出戰斬殺甚多及和成語尹學士集曰未雪國



恥未復父讎豈忍生世共戴一天投江而死事 聞

命拯屍歸葬妻鄭氏抱觀而死 贈左承旨 命旌

高遠厚字子重長澤人訓導光瑞孫事親至孝氣節  
慷慨內子亂應五賢檄募兵果行至礪山聞和成痛  
哭而歸隱居以居

### 興德

鄭好禮字士中晉州人忠江公璜后別提節子丁酉亂  
別提公奉母李氏率妻金氏長婦李氏躲避海上猝  
遇賊俱立節公及兄好仁爲賊俘去三年異國已亥  
與兄偕還追服二喪丁卯亂從沙溪金先生起義



朝廷嘉之 命宰陽城縣丙子虜又猝迫應五賢徵募族赴難及聞講和憤惋而歸構亭蘆沙湖上詩禮自娛

李昌文字士蔚全州人長川都正 后性本孝友字

量宏偉甲子變與辛應純舉義丙子聞亂奮起五賢以公爲都有司募兵穀至莆州聞講和北首長號罷歸杜門隱資宣務郎



羅州

鄭濊字和叔官同中樞羅州人文靖公雪齋可臣十一  
世孫府使詳孫府使如麟子丙子亂以父命起義與  
弟潑及從兄瀾入見主倖吳竣請得戰服兵器丁  
丑正月十三日發行往赴鄭崎菴義募與列邑義  
士并力北進忽聞和成痛哭罷歸

鄭潑字淨叔號孝仙堂同中樞濊弟 萬曆丁巳生年  
甫八歲當甲子亂奉母躲避於島中俄而賊徒數百  
突入搶掠母夫人方病呻吟因爲氣絕公即斷指垂  
口久乃回甦賊讚其大孝而去島民亦賴而安建丙



子亂以父命與兄減從兄瀾舉義糾募借得戰服兵器於主倅丁丑正月十三日馳赴鄭崎菴義廳鄭公稱其器局之卓犖曰頗牧奇才遂戮力勤王至滑州聞城下之羞痛哭還鄉杜門自靖 贈掌樂院正

李煥字晦而號杏堂全義人丁酉殉節縣監 贈兵叅後凋堂容濟孫府尹廷樾子氣宇俊整志謀英雋丙子從曹清江守誠與五賢合于礪山前進滑州聞和成痛哭而歸結廬龍山植松竹以見志

出舊本

昌平

梁千運字士亨號瀛洲齊州人縣監鼓巖子徵子萬



曆庚寅進士受業於牛溪成先生孝友純篤仁廟  
癸亥以行誼除童蒙教官知司膳主簿自丙子孀

成後杜門謝世

山舊本

益山

黃名世字時彥號金華紆州人處士廢子早登司馬愼  
素隱天翊贈詩有李詩王筆王精神之句嘗於衆中  
見汝立有問不答及己丑獄起人服其先見逮夫丙  
子亂裝艇十艘載丁壯及軍械將向江都至安興聞  
和成罷還遂廢舉杜門後贈執義

載即義錄

崔健字士剛弟侃字汝剛鐵原人昌原君瑩后兄弟同



登武科兄官奉事弟官僉正兄弟赴任關西父爲賊  
僧所殺奔還殯葬誓心復讎索求於難足山下肆諸  
市剝其腹首于官兄弟爭其死俱蒙原釋及丙子有  
召募之令兄弟仗劍應募中和之戰兄弟手殺三  
賊矢盡力窮不旋踵而俱死

戰節  
義錄

### 南原

房應言南陽人直提學士良后武科行兵使丙子亂

以扈從叅宣武一等勲入錄券

墓在  
務安

湖南丙子倡義錄卷之四終



右湖南倡義錄三弓也在昔 長陵丙子 皇明將

至淪喪我國先被其兵而當時斥和諸賢義聲聞於

天下矣至於本道諸賢相與倡義旅敵 王所憐蓋

不顧成敗利鈍而惟思其鞠躬盡瘁而已及聞下城

之報遂相與止向痛哭即遠遜于深山荒野之間其

跡雖湮泯而其義可與日月爭光東人士至于今而

受其賜矣嗚呼其何可忘也哉嘗於 崇禎三回渚

灘一省多士採撫諸賢遺事以爲是錄其時諸長

德爲文而表彰之以匹美于文正之碑學士之傳則是

足以徵信於百世矣夫惟壺山會盟之壇上黨趣兵之



日同事諸賢之義相爲伯仲而其於是錄或載或漏  
此與睢陽之廟不祭許遠何以異哉嗚呼帝秦餘生  
東海旣不能蹈而今日含冤忍痛之鱗又甚於下城  
之日則諸賢所闡明之義亦掃而盡矣恨不得起諸  
賢於九原則所可講者惟其義而已是故重刊是錄  
博放諸家以補其闕漏此不可以後先差殊觀而亦  
可以見顯晦之有時矣然則此錄之刊行實有助於  
世教而一陽之復斯可以兆歟不佞猥相是役諸君  
子俾置名於卷尾

玄默澹灘之仲春春坡后孫全州李升儀謹跋



任員錄

監印 梁在晉

都有司前監役 李升儀

全炳翊

校正 幼學 安致洙

外務 金學悅

金教德

安成燮

安泰燮

李教聖

編輯

崔亨九

李容勲

李秉巡

丁大雨

安秉台

幹事 安在鎬

總務

李秉岷

黃燦顯

掌財

李奉來

韓浞鎬



贊成員黃皓炫南原

晉慶廈

金永文

金亮植

宋文橋全州

郭尚杓任翼

房東圭

李義轍

趙熙濟

張安澤

李完植

李赫雨

韓容詰

李俊洪

趙泳孝

蘇秉學

林秉夏

李種根

金基錫

洪景夏

鄭熙碩益山

韓瑾錫

朴暹東元州

安桂鎮金堤

朴鳳植

李秉俊

尹相冕

吳閏秉

梁相賀羅州

柳相根



高光燮

李相愈

末禮

吳炳昨

雲峯

金炯斗

扶安

王在沼

金昌先

金炯睦

柳永模

安鍾國

長水

金宅浚

古阜

吳琪淳

陸敬基

金鎮根

金鎮弘

光陽

全德鎬

鎮安

金東業

趙泳薰

順木

全永鮮

金漢鏡

趙炳寬

金明珠

梁箕默

谷城

朴洪信

楊秉雲

厚昌

柳国默

李承東

樂安

楊秉哲

柳相基

金煥豐

泰仁

朴漢容

長城



梁基鍾

王果

閔龍鎬

同福

丁珪壽

沈景澤

丁相鎬

承姜大湜

茂長

曹秉華

昌平

申文休

高興

庾允鳳

郭載鐸

宋昕燮

李文彪

靈允

文熙載

綾州

李昇雨

姜大悅

曹基重

和順

李秉契

寶城

朴均一

高敏

崔泳朝

李太會

徐明鍾

咸平

林龜洛

宣在潞

尹相大

尹定鉉

海雨

金漢寬

長興

朴承載

秘安

壬申仲春龍城栗里明誠齋重刊







